

## 关于劳动的古诗

1.  
尝闻秦地西风雨，为问西风早晚回？白发老农如鹤立，麦场高处望云开。  
——雍裕之《农家望晴》
2.  
粉色全无饥色加，岂知人世有荣华。年年道我蚕辛苦，底事浑身着苧麻。  
——杜荀鹤《蚕妇》
3.  
山冥云阴重，天寒雨意浓。数枝幽艳湿啼红。莫为惜花惆怅、对东风。  
蓑笠朝朝出，沟塍处处通。人间辛苦是三农。要得一犁水足、望年丰。  
——王炎《南柯子·山冥云阴重》
4.  
斜阳照墟落，穷巷牛羊归。野老念牧童，倚杖候荆扉。雉雊麦苗秀，蚕眠桑叶稀。  
田夫荷锄至，相见语依依。即此羡闲逸，怅然吟式微。——王维《渭川田家》
5.  
男声欣欣女颜悦，人家不怨言语别。五月虽热麦风清，檐头索索缲车鸣。  
野蚕作茧人不取，叶间扑扑秋蛾生。麦收上场绢在轴，的知输得官家足。  
不望入口复上身，且免向城卖黄犍。回家衣食无厚薄，不见县门身即乐。  
——王建《田家行》
6.  
到晓不成梦，思量堪白头。多无百年命，长有万般愁。世路应难尽，营生卒未休。  
莫言名与利，名利是身仇。——杜牧《不寝》

7.  
种豆南山下，草盛豆苗稀。晨兴理荒秽，带月荷锄归。道狭草木长，夕露沾我衣。衣沾不足惜，但使愿无违。——陶渊明《归园田居》

8.  
敢将十指夸针巧，不把双眉斗画长。苦恨年年压金线，为他人做嫁衣裳。——秦韬玉《贫女》

9.  
半夜呼儿趁晓耕，羸牛无力渐艰行。时人不识农家苦，将谓田中谷自生。——颜仁郁《农家》

10.  
卖炭翁，伐薪烧炭南山中。满面尘灰烟火色，两鬓苍苍十指黑。卖炭得钱何所营？身上衣裳口中食。可怜身上衣正单，心忧炭贱愿天寒。——白居易《卖炭翁》

11.  
摇首出红尘，醒醉更无时节。活计绿蓑青笠，惯披霜冲雪。晚来风定钓丝闲，上下是新月。千里水天一色，看孤鸿明灭。——朱敦儒《好事近·渔父词》

12.  
炉火照天地，红星乱紫烟。赧郎明月夜，歌曲动寒川。——李白《秋浦歌十七首·其十四》

13.  
种竹年华晚，新添数百竿。低垂非我好，冗长要人删。直节心期露，疏行眼界宽。从兹风月夜，清白足相安。——曹彦约《课园丁洗竹》

14.  
荷叶罗裙一色裁，芙蓉向脸两边开。乱入池中看不见，闻歌始觉有人来。——王昌龄《采莲曲》

15.

父老争言雨水匀，眉头不似去年颦。殷勤谢却甑中尘。啼鸟有时能劝客，小桃无赖已撩人。梨花也作白头新。——辛弃疾《浣溪沙·其三》

本文链接：<https://duanjuziku.com/duanjuzi/q9npxlokau.html>